
Fra: Kjartan Nyhammer
Sendt: onsdag 18. april 2018 22.38
Til: Kristin Schübeler Nielsen
Kopi: Siril Therese Sylta
Emne: Landbruksfagleg uttale til planframlegg for Fv 57 med gang- og sykkelveg Lindås – Mongstad (planID: 1263-201407)

Landbruksfagleg uttale til planframlegg for Fv 57 med gang- og sykkelveg Lindås – Mongstad (planID: 1263-201407) :

På denne strekninga står landbruksdrifta relativt svakt dvs ekstensiv drift og mykje jordbruksareal som er i ferd med å gå ut av produksjon.

Eit unntak er strekninga Hellestveit – Hope. Her er god jordbruksjord, to gardar med mjølkekvote og eit arealgrunnlag langt over gjennomsnittet i Lindås kommune. På Hope ligg tun og dei beste jordbruksareala utanfor planområdet.

På Hellestveit ligg derimot både tilkomst til tun og godt jordbruksareal innanfor planområdet. Den største utfordringa med planforslaget er fjerninga av dagens avkøyrsløp til tunet. Garden har dyrka opp og disponerer om lag 40 dekar fulldyrka jord på gbnr 126/9 Hope i tillegg til sitt eige areal. Dette er areal som skal gjødslast, haustast eventuelt beitast og elles vedlikehaldast. Det er difor omfattande transport mellom desse areala. Ei rask oppmåling syner at det vil verte 800 – 900 meter ekstra køyrelengde i kvar retning til/frå desse areal i høve til i dag. Og det med traktor og reiskapar ! Eit avbøtande tiltak her kan vere at det vert tillete med intern køyring mellom gardstunet på gbnr 122/2 og jordbruksareala på Hope på den nye gang og sykkelvegen. Eit anna avbøtande tiltak mot lang tilkomstveg til tunet på gbnr 122/2 vil vere å leggje tilkomstveg og avkøyrsløp frå Storemyravegen nærare vegkrysset mellom Mongstadvegen og Stormyravegen. Ein felles tilkomstveg til både gbnr 122/2 og 122/3. Då ville ein forhindre dei store ulempene med gjennomgangstrafikk i hagen hjå gbnr 122/3, spare eit kulturminne (gamal veg) og ein får kortare køyreavstand for både gbnr 122/2 og 122/3 mellom Mongstadvegen og heimen.

Ein vil avslutningsvis minne om tidlegare innsendt uttale knytta til driftsbygningen på gbnr 122/2 frå underteikna. Det ville vore ei betre løysing å foreta utvidinga på austsida av fylkesvegen og sanere den eldste driftsbygningen på gbnr 122/2. Då hadde ein spart godt jordbruksareal på vestsida. Ved etablering av ny driftsbygning på vestsida av fylkesvegen ville det ikkje vore behov for utbetring av undergang og dermed heving av fylkesvegen då nær alt jordbruksarealet på gbnr 122/2 ligg samla på vestsida av fylkesvegen. I sum ville dette høgst truleg vore den beste løysinga. Eg er spørjande til om dette alternativet i det heile er vurdert. Det framkjem ingen plass i det omfattande skriftlege materiell som ligg føre i planarbeidet.

Med helsing

Kjartan Nyhammer | Landbrukssjef

E-post: kjartan.nyhammer@lindas.kommune.no **Telefon:** 95 91 74 71

Kundesenter: +47 56 37 50 00 | **Heimeside:** www.lindas.kommune.no

